

氏族典第五百七十九卷

瑕丘姓部彙考

凌迪知萬姓統譜 瑕丘姓

瑕丘姬姓風俗通魯桓公庶子食采瑕丘因氏焉

瑕丘姓部列傳

漢 瑕丘申陽

按史記項羽本紀申陽者張耳嬖臣也先下河南郡迎楚河上故壺申陽爲河南王

瑕丘江公

按漢書瑕丘江公傳江公受穀梁春秋及詩於魯申公武帝時江公與董仲舒並仲舒通五經能持論江公喲於口上使與仲舒議不如仲舒而丞相公孫弘本爲公羊學比輯其議卒用董生

瑕丘仲

按尚友錄仲甯人賣藥百餘年因地動卒或取仲尸棄水中收其藥仲披裘造之取藥其人懼叩頭

求哀仲曰不恨汝也後爲夫餘王驛使自北乘來至甯人呼謫仙

虺丘姓部彙考

王子年拾遺記 姓始

虺丘氏出西王母神傳

凌迪知萬姓統譜 虺丘姓

虺丘見英賢傳

虺丘姓部列傳

漢 虺丘臧 虺丘重

按萬姓統譜臧河內太守 按萬姓統譜重濟北太守

瓜田姓部彙考

凌迪知萬姓統譜 瓜田姓

瓜田王莽時臨淮有瓜田儀

瓜田姓部列傳

漢 瓜田儀

按漢書王莽傳天鳳四年臨淮瓜田儀等爲盜依阻會稽長州地皇二年儲夏自請願說瓜田儀莽以爲中郎使出儀儀文降未出而死莽求儀尸葬之起冢祠諡曰瓜寔殤男幾以招來其餘然無肯降者注服虔曰姓瓜田名儀

耶律姓部彙考

凌迪知萬姓統譜

耶律姓

耶律遼之後

耶律姓部列傳一

遼一 耶律洽脊

耶律葛剌

耶律洽禮

耶律叔刺

按遼史皇子表肅祖子洽脊字牙新行第一職迭剌部夷离堇有德行分五石烈爲七六瓜爲十一

房在五院司

按遼史皇子表肅祖子葛剌字古昆行第三職舍利早卒房在六院司

按遼

史皇子表肅祖子洽禮字敵肇行第四職舍利房在大院司 按遼史皇子表懿祖子叔刺行第一職舍利早卒

耶律怙刺 耶律裏古直 耶律匣馬葛 耶律麻魯

按遼史皇子表懿祖子怙刺字痕得行第二職九任迭剌部夷离堇卒年七十子孫六院司呼爲夷离堇房 按遼史皇子表懿祖子裏古直字巖母根行第四職舍利善射年幾冠墮馬卒子孫六院司呼爲舍利房 按遼史皇族表簡獻皇帝兄匣馬葛系出懿祖 按遼史皇子表元祖子麻魯行第一職舍利早卒

耶律巖本

按遼史皇子表元祖子巖本字敵肇行第二重熙中追封蜀王三爲迭剌部夷离堇身長八尺多力能裂麋皮語音如鐘彌里本嶺去家數里嘗登嶺呼其從家人悉聞年四十五薨二子胡古只求掇其後卽三父房之孟父

耶律釋魯

按遼史皇子表元祖子釋魯字述蘭行第三重熙中追封爲隋國王職於越駢脅多力賢而有智先遙輦氏可汗歲貢於突厥至釋魯爲於越始免教民種樹桑麻年五十七爲子滑哥所弑子滑哥其後卽三父房之仲父

耶律罽古只

耶律轄底

耶律偶思

按遼史皇族表夷离堇罽古只系出懿祖 按遼史皇族表於越轄底系出懿祖 按遼史皇族表遙輦可汗時本部夷离堇偶思系出懿祖

耶律剌葛

按遼史皇子表德祖子剌葛行第二太祖卽位爲惕隱改迭剌部夷离堇爲惕隱討遼烈部破之改爲迭剌部夷离堇從太祖親征統本部兵攻下平州性愚險破遼烈部而驕與弟迭剌安端等謀亂事覺按問具狀太祖令誓而舍之出爲迭烈部夷离堇後復謀爲亂誘羣弟據西山以阻歸路太祖聞而避之次赤水城剌葛詐降大掠而去至摩只喝只二河與追兵戰衆潰遁去至榆河先鋒敵魯生擒之太祖念其同氣不忍加刑杖而釋之神冊二年南奔

耶律迭剌

按遼史皇子表德祖子迭剌字雲獨昆行第三天顯元年爲中臺省左大相性敏洽太祖曰迭剌之智卒然圖功我所不及緩以謀事不如我回鶻使至無能通其語太祖遣迓之相從二旬能習其言語書因制契丹小字數少而該貫與兄刺葛謀反刺葛遁迭剌與安端降太祖杖而釋之神冊二年欲南奔事覺親戚請免於上又赦之

耶律寅底石

按遼史皇子表德祖子寅底石字阿辛行第四重熙間追封許國王太祖遣詔寅底石守太師政事令輔東丹王生而閭懦與兄刺葛作亂太祖赦之後復與刺葛遁至榆河自刺不死被擒太祖釋之淳欽皇后遣司徒劃沙殺於路孫阿烈

耶律安端

按遼史皇子表德祖子安端字猥隱行第五天保初以功王東丹國賜號明王神冊元年討平雲州三年爲惕隱天贊元年征渤海破老相兵三萬餘人安邊郭頡定理三府叛平之四年爲北院夷离

董與兄刺葛謀亂妻粘睦姑告變太祖誓而免之復叛兵敗見擒杖而釋之太宗卽位有定策功會同中伐晉率兵先出鴈門下忻代世宗初立以兵往應及李胡戰於泰德泉敗之子察割弑逆被誅穆宗赦通謀罪放歸田里

耶律蘇

按遼史皇子表德祖子蘇字雲獨昆行第六神冊五年爲惕隱六年爲南府宰相言無隱情太祖愛之滄州節度使劉守文求救太祖命往救解滄州圍刺葛詐降蘇往來其間旣平蘇力爲多天贊三年與迭里略地西南天顯初征渤海攻破忽汗城大譴譔降性和順事上忠謹太祖二十功臣蘇居其一在南府以賄聞民頗怨征渤海國還薨

耶律胡古只

耶律末撥

耶律楚不魯

耶律滑哥

耶律敵魯古

按遼史皇族表迭刺部夷离董胡古只系出元祖

按遼史皇族表迭刺部夷离董末撥系出元祖

祖

按遼史皇族表迭刺部夷离董楚不魯系出元祖

按遼史皇族表滑哥系出元祖

按遼史皇族表五院夷离董敵古魯系出肅祖

耶律迭里特

耶律喝魯

耶律迭栗底

耶律樂姑

按遼史皇族表迭里特系出懿祖

按遼史皇族表阿魯敦於越喝魯系出懿祖

按遼史太

祖本紀元年以從弟迭栗底爲迭烈府夷离董

按遼史太祖本紀七年以將軍耶律樂姑轄刺

僅阿鉢爲御解兵器肅侍衛以受之

耶律覲烈

按遼史耶律覲烈傳覲烈字兀里軫六院部蒲古只夷离董之後父偶思太祖爲於越時覲烈以謹
愿寬恕見器使既卽位兄曷魯典宿衛以故覲烈入侍帷幄與聞政事神冊三年曷魯薨命覲烈爲
迭刺部夷离董屬以南方事會計党項皇太子爲先鋒覲烈副之軍至天德雲內分道並進覲烈率
偏師渡河力戰斬獲甚衆天贊初徇山西所至城堡皆下太祖嘉其功賜資甚厚天顯二年留守南
京十年卒年五十六弟羽之

耶律羽之

按遼史耶律覲烈傳覲烈弟羽之小字兀里字寅底晒幼豪爽不羣長嗜學通諸部語太祖經營之

初多預軍謀天顯元年立皇太子爲東丹王以羽之爲中臺省右次相蒞事勤恪威信並行人皇王奔唐羽之鎮撫國人一切如故以功加守太傅遷中臺省左相會同初以冊禮赴闕加特進卒子和里終東京留守

耶律倍

按遼史宗室傳義宗名倍小字圖欲太祖長子幼聰敏好學外寬內摯神冊元年立爲皇太子時太祖問侍臣曰受命之君當事天敬神有大功德者朕欲祀之何先皆以佛對倍曰孔子大聖萬世所尊宜先太祖大悅卽建孔子廟詔太子春秋釋奠天顯元年征渤海倍爲前鋒破之改其國曰東丹名其城曰天福以倍爲人皇王主之賜天子冠服建元甘露稱制太祖訃至倍知太后意欲立德光乃與羣臣請於太后而讓位焉太宗旣立見疑以東平爲南京徙倍居之盡遷其民倍旣歸國起書樓作樂田園詩唐明宗遣人跨海召倍倍謂左右曰我以天下讓主上今反見疑不如適他國以成吳泰伯之名浮海而去至汴賜姓李名贊華鎮滑州倍雖在異國常思其親問安之使不絕明宗養子從珂弑其君自立太宗加兵於洛從珂欲自焚召倍與俱倍不從遣李彥紳害之年三十八僧爲

收瘞之太宗改葬醫巫閭山諡曰文武元皇帝世宗卽位讓國皇帝統和中更諡文獻重熙二十年增諡文獻欽義皇帝廟號義宗僖初市書至萬卷藏於醫巫閭絕頂之望海堂通陰陽知音律精醫藥砭熅之術善畫然性刻急好殺五子長世宗次婁國稍隆先道隱

耶律李胡

按遼史宗室傳章肅皇帝小字李胡一名洪古字奚隱太祖三子少勇悍多力性殘酷而母篤愛天顯五年立爲皇太弟世宗卽位鎮陽太后怒遣李胡將兵擊之爲安端留哥所敗太后曰我非不欲立汝汝自不能矣及世宗和約既定趨上京有告李胡與太后謀廢立者徙祖州穆宗時其子喜隱謀反辭逮李胡囚之死獄中統和中追諡欽順皇帝重熙二十一年更諡章肅二子宋王喜隱衛王完

耶律牙里果

按遼史皇子表太祖子牙里果行第四自晉還始爲惕隱性沉默善騎射天顯三年救耶律沙于定州爲李嗣源所獲至石晉立始得還以病薨二子敵烈奚底皆知名

耶律撒剌

耶律神速

耶律撒給

耶律痕只

按遼史皇族表惕刺撒剌系出懿祖

按遼史皇族表捕撻馬拔沙里神速系出元祖

按遼

史皇族表左皮室詳穩撒給系出元祖

按遼史皇族表痕只系出元祖

耶律賽保

耶律拔里

耶律化葛里

耶律奚蹇

按遼史皇族表賽保系出德祖

按遼史皇族表中京留守拔里系出德祖

按遼史皇族表

化葛里系出德祖

按遼史皇族表奚蹇系出德祖

耶律曷魯

按遼史耶律曷魯傳曷魯字控溫一字洪隱迭刺部人祖匣馬葛簡憲皇帝兄父偶思遙輦時爲本部夷裔曷魯性質厚在髫髻與太祖遊從父釋魯奇之曰興我家者必此兒也曷魯父偶思病太祖問疾以諸子屬之太祖素有大志而知曷魯賢軍國事非曷魯議不行太祖會李克用於雲州時曷魯侍克用顧而壯之曰偉男子爲誰太祖曰吾族曷魯也太祖卽位命曷魯總軍國事撫輯有方畜牧益滋民用富庶乃請制朝儀建元太祖拜爲阿魯敦於越阿魯敦者遼言盛名也神冊二年與

唐節度使周德威拒戰敗其軍三年七月得疾薨年四十七子惕刺撒刺俱不仕

耶律斜涅赤

按遼史耶律斜涅赤傳斜涅赤字撒刺六院部舍利裏古直之族始字鐸盪早隸太祖幕下太祖卽位掌腹心部天贊初分迭刺部爲南北院斜涅赤爲北院夷離董帝西征至流沙威聲大振諸夷潰散迺命斜涅赤撫集之及討渤海破扶餘城斜涅赤從太子大元帥率衆夜圍忽汗城大譴譟降已而復叛斜涅赤感勵士伍鼓譟登陴敵震懼莫敢禦遂破之天顯中卒年七十居佐命功臣之一

耶律老古

按遼史耶律斜涅赤傳斜涅赤姪老古字撒懶其母淳欽皇后姊也幼養宮掖沈毅有勇略隸太祖帳下旣卽位屢有戰功刺葛之亂也欲乘我不備爲掩襲計給降太祖將納之命老古耶律欲穩嚴號令勒士卒控轡以防其變逆黨知有備懼而遁以功授右皮室詳穩典宿衛太祖侵燕趙遇唐兵雲碧店老古被創卒太祖深悼惜之佐命功臣其一也

耶律頗德

按遼史耶律斜涅赤傳斜涅赤姪頗德字兀古鄰弱冠事太祖天顯初典宿衛遷南院夷离董治有聲會同初加採訪使強直不撓狀貌秀偉初太祖見之曰是子風骨異常兒必爲國器後果然卒年四十九

耶律欲穩

按遼史耶律欲穩傳欲穩字轄刺于突呂不部人祖臺押遙輦時爲北邊拽刺簡獻皇后與諸子之罹難也嘗倚之以免太祖思其功不忘又多欲穩嚴重有濟世志乃命典司近部以遏諸族窺覲之想欲穩既見器重益感奮思報太祖始置宮分以自衛欲穩率門客首附宮籍帝益嘉其忠詔以臺押配享廟廷及平刺葛等亂以功遷奚迭刺部夷离董從征渤海有功天顯初卒後諸帝以太祖之與欲穩也爲故往往取其子孫爲友宮分中稱八房皆其後也弟霞里終奚六部禿里

耶律海里

按遼史耶律海里傳海里字涅刺昆遙輦昭古可汗之裔太祖傳位海里與有力焉初受命屬籍比局萌覬覦而遙輦故族尤觖望海里多先帝知人之明而素服太祖威德獨歸心焉以故太祖託爲

耳目數從征討既清內亂始置遙輦敵穩命海里領之天顯初征渤海破忽汗城師班卒

耶律敵刺

按遼史耶律敵刺傳敵刺字合魯隱遙輦鮮質可汗之子太祖踐阼與敵穩海里同心輔政太祖知其忠實命掌禮儀且諉以軍事後以平內亂功代轄里爲奚六部吐里卒敵刺善騎射頗好禮文

耶律鐸臻

按遼史耶律鐸臻傳鐸臻字敵輦祖蒲古只遙輦氏時再爲本部夷離董鐸臻幼有志節天贊三年將伐渤海鐸臻請先西討庶無後顧憂太祖從之及淳欽皇后稱制囚之誓曰鐵鎖朽當釋汝旣而召之辭曰鐵未朽可釋乎后聞嘉嘆趣召釋之天顯二年卒

耶律古

按遼史耶律鐸臻傳鐸臻弟古字涅刺昆初名霞馬葛太祖爲於越嘗從略地山右會李克用於雲州古侍克用異之曰是兒骨相非常不宜使在左右以故太祖頗忌之時方西討諸弟亂作古陳殄滅之策後皆如言以故錫賚甚厚神冊末南伐以古佐右皮室詳穩老古老古中流矢傷甚太祖疑

古陰害之古請遣使問之老古對曰無可疑者上意乃釋老古卒遂以古爲右皮室詳穩既卒太祖謂左右曰古死猶長松自倒非吾伐之也

耶律突呂不

按遼史耶律鐸臻傳鐸臻弟突呂不字鐸衰幼聰敏嗜學及製契丹大字突呂不贊成爲多明年受詔撰決獄法太祖略燕詔與皇太子及王郁攻定州師還至順州幽州馬步軍指揮使王千來襲突呂不射擒之天贊二年皇子堯骨爲大元帥突呂不爲副既克平州進軍燕趙攻下曲陽北平至易州太祖大悅賜資優渥車駕西征爲先鋒伐党項有功天顯三年討烏古部俘獲甚衆伐唐以突呂不爲左翼攻唐軍霞沙寨降之十一年送晉主石敬瑭入洛及大冊突呂不總禮儀事加特進檢校太尉會同五年卒

耶律圖魯窘

按遼史耶律圖魯窘傳魯圖窘字阿魯隱肅祖子治脊之孫勇而有謀略太宗立晉之役其父敵魯古歿于兵帝卽以其職授圖魯窘從討石重貴杜重威擁衆拒滹沱橋不得進圖魯窘進曰選輕銳

騎先絕其餉道則事蔑不濟矣重威果降以功獲賜甚厚明年春卒軍中

耶律解里

按遼史耶律解里傳解里字潑單世爲小吏早隸太宗麾下天顯間爲唐兵所獲晉高祖立始歸國拜御史大夫會同九年伐晉與降將張彥澤率騎兵三千入汴天祿間加守太子太傅應曆初置本部令穩解里世其職卒

耶律拔里得

按遼史耶律拔里得傳拔里得字孩鄰太祖弟刺葛之子會同七年拔里得圍德州下之擒刺史師屠瑯等二十七人太宗入汴以功授安國軍節度使總領河北道事世宗卽位遷中京留守卒

耶律朔古

按遼史耶律朔古傳朔古字彌骨頂橫帳孟父之後幼爲太祖所養從伐渤海戰有功天顯七年授三河烏古部都詳穩平易近民故久其任會同間征晉朔古與趙延壽據中渡橋世宗卽位朔古奉太宗喪歸上京佐皇太后出師坐是免官卒